

<><><><><><>

Headlines

- त्र'ऊं दिनें दा स्टार्ट अप महाकुम्भ नमीं दिल्ली च शुरु, एहदा मकसद स्टार्ट अप्स दा निवेशकें, समर्थवान बपार भ्याले ते पूंजीपतिएं कन्नै मेल कराना ऐ।
- औंदे लोकसभा चुनाएं गी ध्यानै च रखदे होई जम्मू-कश्मीर चुनांs दफ्तर नै चुनांs प्रचार लेई इखतेयार बैनर ते पोस्टर पर्चे छापने बारै, प्रिंटरें ते प्रकाशकें लेई सार्वजनिक दिशा-निर्देश जारी कीते न।
- भारती चुनांs आयोग नै राजनैतिक प्रचार दे सरबंधै च किश दिशा-निर्देश जारी कीते न।
- ते लोकसभा चुनाएं दी घोषणा दे बाद जम्मू-कश्मीर च बी पैहली बारी वोट पाने आलें च बड़ा मता उत्साह दिक्खने गी लब्बा'रदा ऐ।

<><><><><><>

Start up Mahakumbh

मुख्य दे स्टार्ट अप तंत्र गी दर्शाने आहले सब्बनें शा बड़ो कार्यक्रमें चा इक त्र'ऊं दिनें दा स्टार्ट अप महाकुम्भ अज्ज नमीं दिल्ली दे भारत मं०पम च शुरु होआ। इस स्टार्ट अप कार्यक्रम दा मकसद स्टार्ट अप्स गी निवेशकें कन्नै जोड़ना ऐ। इस मौके पर बोलदे होई D.P.I.I.T. दे सचिव राजेश कुमार सिंह होरें आखेआ जे 2016 च मुख्य च जित्थे छड़े 300 स्टार्ट अप हे उत्थे अज्ज इंदी गिनतरी 1 लक्ख कोला उप्पर होई गेदी ऐ। उनें आखेआ जे भारत दुनिया च त्रीया सब्बनें शा बड़ो स्टार्ट अप तंत्र ऐ ते देसै दे 670 जिलें च मजूद स्टार्ट अप्स चा 50 फीसद स्टार्ट अप दुए ते त्रीये दर्जे दे शैहरें च न। इस मौके बोलदे होई भारत दे जी-20 शेरपा अमिताभ कांत होरें आखेआ जे स्टार्ट अप इंपिया योजना दे बाद मुख्य च स्टार्ट अप्स दी गिनती च खरा मता बाददा दर्ज कीता गेआ ऐ ते पिच्छले 8एं बरें दरान इस तंत्र नै 10 लक्ख शा मती नौकरियां कायम कीतियां न। स्हाड़े संवाददाता मुजब भारत मं०पम च बक्ख-बक्ख सैक्टरें जियां आर्टीफिशल इंटेलिजेंस, एग्रीटैक, पीप टेक वगैरा दे बक्ख-बक्ख पं०ाल स्थापित कीते गेदे न।

<><><><><><>

Co-Guidelines

औंदे लोकसभा चुनाएं दी घोषणा दे बाद जम्मू-कश्मीर चुनां दफ्तर नै केंद्र शासित प्रदेश च चुना प्रचार सामग्री इश्तेयार बैनर बगैरा छपाने ते जारी करने बारै दिशा-निर्देश जारी कीते न। मुख् चुना अधिकारी होरें सब्बनें प्रिंटिंग प्रेसें ते प्रकाशकें लेई जारी इक आम नोटिस जारी कीत जे इश्तेयारें दा

प्रकाश 1951 आले जन प्रतिनिधि कनून दी धारा 127-ए दे प्रावधानें तैहत होग। जेदे मुजब कोई बी प्रिंटर ऐसा कोई पोस्टर या बैनर या इश्तेयार नेई छापग जेदे पर सामने आली बक्ख प्रिंटर दा नां ते पता नेई लिखे दा होग। एहदे अलावा प्रिंटर कोई बी इश्तेयार पर्चा या बैनर उच्चर तोड़ी नेई छापग जिच्चर उसी प्रकाशक दी पंछान बारै लिखित ते द'ऊं जनें आस्सेआ साइन करिए तस्दीक करिए नेई दिता गेदा होग। एहदे अलावा इश्तेयार वगैरा छापने दी थार शैहर दे इलाके बारें बी पूरी जानकारी मुख्ख चुनां अधिकारी ते जिला मेजिस्ट्रेट गी भेजी जानी लोड़चदी।

<><><><><><>

### Accident-Doda

डोडा जिले च अज्ज पेश आए दे इक सड़क हादसे च 1 जने दी मौत होई गई ऐ। स्हाड़े जिल संवाददाता फय्याज पाम्पोरी नै जानकारी दिती ऐ जे एह हादसा अज्ज बड़लै खिलैनी मर्मत सड़क पर दुग्गा ग्रां कश उस्सलै पेश आया जिस्सलै इक कार जेदे च एह दऊं लोक सवार हे, सड़क पर रूलकिए हेठ इक खड्डै च जाई पेई। हादसे च दवै गंभीर तौरा पर जख्मी होई गे जिनेंगी हादसे दी खबर थहोंदे गै उत्थे पुज्जे दे लोकें तुरत नेड़े दे सेहत केंद्र पुजाया। दौनें गी शुरूआती उपचार देइए डोडा मुंतकिल कीता गेआ। जिस दौरान घायलें चा इक रोशन लाल दी डोडा पुज्जने कोला पैहले गै रस्ते च मौत होई गई।

<><><><><><>

### Army-Commander

फौज दी उत्तरी कमान दे कमांडर लेफ्टिनेंट जनरल एम.वी सुचिंदरा कुमार होरें लद्दाख सैक्टर च मती ऊंचाई आहले अगेत्रे इलाकें दा दौरा लाइयै फौज दिएं कारवाइएं सरबंधी तैयारिएं दा जायजा लैता। फौजी कमांडर होरें चुनौतिपूर्ण हालात च बी उच्चे मानक बरकार रक्खने च अनथक जत्नें लेई भारती फौज ते आई.टी.बी.पी दी सराहना कीती। लेफ्टिनेंट जनरल कुमार होरें इस ब'रे फरवरी म्हीने भारती फौज दी उधमपुर च स्थित उत्तरी कमान दे जनरल आफिसर कमांडिंग इन चीफ दा औहदा सांभेया ऐ।

<><><><><><>

### DEO-Samba

लोकसभा चुनाएं दी घोषणा दे बाद सांबा जिला प्रशासन बी हरकत आई गेआ ऐ। इस सरबंधै च सांबा दे जिला चुनांस अधिकारी अभिषेक शर्मा, एसएसपी विनय शर्मा ते विजयपुर मुंसिपल कमेटी दी टीम नै विजयपुर बजार ते कस्बे दा दौरा लाइयै आदर्श आचार संहिता दा जायजा लैता। आकाशवाणी जम्मू कन्नै गल्ल करदे होई सांबा दे जिला चुनांस अधिकारी अभिषेक शर्मा होरें आखेआ।

<><><><><><>

### Mortar-Shell Poonch

पुंछ जिले च अज्ज मेंढरी नाले दे कंडो थमां जंग लग्गे दा इक मोर्टर दा शेल्ल बरामद कीता गोआ। पुलसै मुजब गांस दे इक बसनीक नै मेंढर सैक्टर दे मुगलियां इलाके च इक प्राईमरी स्कूल दे नेड़े एह मोर्टर शेल्ल पेदा दिक्खेआ। पुलस दी टीम ते बम्ब नकारा करने आहले दस्ते नै सुरक्षित तरीके कन्नै इस नकारा बनाई दिता।

<><><><><><>

### Dengu-Conclave

केंद्री सेहत मंत्रालय दिएं अतिरिक्त सचिव लमछों धोई स्वीटी चांगसन होरें पंगू कन्नै लड़ने लेई बहु-क्षेत्री नियोजन पर जोर दिता ऐ। चांगसन होरें अज्ज नमीं दिल्ली च लोआए गेदे पंगू सम्मेलन च आखेआ जे पंगू दे मामलें च खरा मता बाद्दा दर्ज कीता गोआ ऐ जेहड़ी जे इक चिंता आहली गल्ल ऐ। मुख्यै च पिच्छले बरे पंगू दे कोई त्रै लक्ख मामले दर्ज कीते गे ते 39 मरीजें दी मौत बी होई गई। उनें अपील कीती जे सार्वजनिक सुरक्षा ते शैहरी नियोजन दे सब्बनें हितधारकें गी पंगू दे खतरे कन्नै निब्बड़ने लेई अग्गे आना लोड़चदा ते संसाधनें वसीलें गी बेहतर ढंग्गै नै सांझा करने ते कुशल ढंग्गै सिर योजना बनाने लेई इक्क मिक्क होइए कम्म करना लोड़चदा। आकाशवाणी समाचार कन्नै गल्ल करदे होई अतिरिक्त सचिव होरें आखेआ जे तेजिया कन्नै होआ करदे शैहरीकरण ते जलवायु परिवर्तन नै मच्छरें कारण फैलने आलिएं बमारिएं खलाफ कार्रवाई च चुनौतिएं गी बधाई दिता ऐ। उनें मेद जाहिर कीती जे एह सम्मेलन विचारें ते सुझाएं गी सांझा करने आला इक महत्वपूर्ण मंच साबत होग।

<><><><><><>

ते हुन बाकि दिएं खबरें कन्नै जगमोहन शर्मा।

### Election 2024

सुप्रीम कोर्ट दे 13 अप्रैल 2004 दे निर्देशें ते चुनांस आयोग दिएं हिदायतें मुजब कुसै बी पंजीकृत सियासी पार्टी जां कुसै संगठनें दे समूह यां चुनांस लड़ा करदे मेदवार आस्सेआ दिते जाने आले सब्बनें सियासी इश्तेहारें गी टी.वी, केबल नेटवर्क यां केबल चैनलें पर प्रसारित करने शां पैहले उसी मीपिया प्रमाणन ते निगरान कमेटी आस्सेआ प्रमाणित कीता जाह्ग। जम्मू-कश्मीर दे मुख् चुनांस अधिकारी हुंदे आस्सेआ जारी अधिसूचना मुजब सिनेमा हाल ते एफ.एम चैनलें सने रेपियो पर चलाए जाने आले इश्तेयार, सार्वजनिक थाहें पर चलने आले आपियो-वीजुअल संदेश, ई-अखबारें च इश्तेहार, किट्ठे भेजे जाने आले बड़े सारे एस.एम.एस. ते वाइस मैसेज, सोशल मीपिया ते इंटरनेट वेबसाइटें पर इश्तेहार बी प्रमाणीकरण दे इस दायरे हेठ औडनन। सब्बनें सरबंधत धड़ें गी इस अधिसूचना दी पालमा दे आदेश दिते गे न। छड़े पैहले शा प्रमाणित इश्तेहार गै छापे जां प्रसारित कीते जाई सकडन।

<><><><><><>

## FTV-Udh.

लोकसभा चुनावं दी घोषणा दे बाद मुख्यै दे बाकी हिस्सें आला लेखा समूलचे जम्मू-कश्मीर च बी लोकें अंदर, टकोहदा करियै पैहली बारी वोट पाने आले नौजवानें अंदर बड़ा मता उत्साह दिक्खने गी लब्बै करदा ऐ। उनेंगी पैहली बारी वोट पाने आले नौजवानें अंदर बड़ा मता उत्साह दिक्खने गी लब्बै करदा ऐ। उनेंगी पैहली बारी वोट पाने गी लेइए बड़ा मता चाह बी ऐ ते इस गल्लै पर मान बी जे ओह राष्ट्र दे निर्माण च अपना योगदान देने जा करदे न। उधमपुर जिले च नौजवानें आकाशवाणी कन्ने गल्ल करदे होई उनें आखेआ जे उनेंगी इस गल्लै दी बड़ी खुशी ऐ जे नर्मी सरकार बनने च उंदा बी योगदान होग ते ओह जिले दी तरक्की, रोजगार, शिक्षा ते खुशहाली लेई वोट देडन।

<><><><><><>

## Election-Training Reasi

रियासी दे जिला चुनावं दफतर नै अज्जै थमां असैम्बली हल्कें स्हाबै चुनावी अमलें दी सिखलाई शुरू कीती ऐ। इस अमले च राजस्व, पुलस ते होरनें मैहकमें दे मलाजम शामिल न। रियासी जिले च 425 मतदान केंद्र न जिंदे चा गुलाबगढ़ च 161, रियासी च 173 ते श्री माता वैष्णो देवी हल्के च 91 केंद्र शामिल न। रियासी जिले च 2 लक्ख 34 जहार 706 मतदाता न जिंदे च 1 लक्ख 23 जहार 109 मर्द ते 99 जहार 403 महिलां न। स्हाड़े रियासी संवाददाता कन्ने गल्ल करदे होई ट्रेनर अनवर चौधरी होरें आखेआ।

<><><><><><>

## Application-Invited

प्रसार भारती दूरदर्शन समाचार इकाई जम्मू आस्सेआ बक्ख-बक्ख श्रेणिं तैहत अनुबंध दे आधार पर असामियां कड्पी गेइयां न। इस बारे पूरी जानकारी [prasarbharti.gov.in.pbvacancies/](http://prasarbharti.gov.in.pbvacancies/). थवां हासिल कीती जाई सकदी ऐ। मेदवार Content Executive Broadcast Executive. Videographer Video Post production assistant News Anchor cum Correspondent लेई दरखास्तां देई सकदे न।

<><><><><><>